

Mattup ere ki sirwe Pool yi riine a don a Korent

*En urzi k'ono don kun t'oone adda mattup
ettiyo*

Ette mattup ere ki sirwe Pool yi riine a don a geeger Korent. A mattupadi ere ki poone, yon y'an di ruute yi dehu y'ette y'a ti'n wollo. Wo de y'a k'iine y'a k'iide ye. Wo munda wede i y'iigire enno: Y'a illiga Yawudiyagi miibi an iide Korent, an di kazita munda ti doolo a ki t'iide ye a Rabila Majjaanawa ere Pool y'an gizite ki poone gette. Wo kane an di ruute son, Pool yon wede zina k'Isa ki kotto ye. Inkinno Pool y'a t'ize sommagi dondon, geñ kono k'inokino y'a dihe y'an di raane mattup, y'an di roote munda wede i-d'ede adda k'addi, wo munda wede i y'ize kono y'a k'iine y'a k'iide wollyadan ye me.

Adda mattup ette Pool y'a ruute kereñ, yon wede zina k'Almasi, wo de urzi naabadi wede yon y'isiyo geñ a ki t'ettiyo ye ti don doolo eliyo dooyiso a urzi Raa me. Genno munda wede Pool an di y' giigira me. Pool y'an di ruute sey, an a seeda zakidi a naabo tussiyo kono an a nooga don i ziipe addan a Isa a siido Ziide. Wo y'a di duule sey, yi dehu y'ette y'a ti'n wollo, kono y'an di'n aapidfey kane don oldikadan an ki t'iili ye botto geñ me.

Toose ki Pool

¹ Mattup ette i raaniya nun Pool wede zina k'Isa Almasi, aa Raa yi dehu, wo ti leema Timote, a kane don ki Raa ogiyso ti suma k'Isa a geeger Korent wo a don ki Raa pay adda siido k'Akayi pay.

² Geŋ beeko ti toose ki Meegin Raa wo ti Galmeega Isa Almasi i koonaa eggun.

Urzi selliyo duwo

³ In amma Raa, Meeki Galmeegin Isa Almasi, yon Meege wede i d'isiyo adde koduwo, yon Raa, yi selliyo duwo aame tuuku ton maŋ.

⁴ Adda dabaradin pay y'in ti'n selliyo, wo t'urzi selliyo ere kine batum in ooniyo ti yode gette, kine ton in aane in di selle don pay adda dabar ere tuuku ton maŋ.

⁵ Inkinno maŋ kine in d'ooniyo dabar baadan kono k'Almasi me, wo geŋ inkinno kay t'urzi k'Almasi in d'ooniyo selliyo baadan.

⁶ Aame kaye ay dabirsa maŋ, geŋ kono kune kun t'oone selliyo wo kun d'utte. Wo aame ay uune selliyo maŋ, geŋ kono kune ton kun t'oone selliyo, ere un di'n ise kun d'ombina a dabar ere aa kaye ay dabirsa.

⁷ Kaye zaapu k'elkisadey a kune ay di seedu zakidi, kono kune kun a ti gitte kaŋ soo adda dabaradey geŋ, kune ton kun t'oona selliyo aa ki kaye kay.

⁸ Inkinno maŋ zamba ki nun, kaye ay dehu munda en kun di y' suune, adda siido k'Aazi ay d'uune dabar baadan a jiiire eedey, ay d'ilke ay ki lekka zeere ye.

⁹ Derec, kaye ay d'ilke adda k'addey aa booro t'ayni ziidfa k'unto. Geɗ a t'ize injkino, kono ay ki ziipe addey a kaye batum ye, wo de ay di ziipe addey a Raa yon yi balɗiya don unto.

¹⁰ Geɗ yode wede ay ti'n uɗɗo ti dabar ere k'unto kino ette, wo y'ay ti'n adɗa sey. Eyye, kaye ay ziipe elkisadey a yode ki daana ton, y'ay ti'n adɗa sey.

¹¹ Wo kune ton kun ayni noogiyo adda tondiyagun a Raa kono kaye me. Geɗ t'urzi tondiyo Raa ki don baadan, kaye ay t'ona beekadi, wo don baadan an di roota koduwo a Raa kono kaye.

Munɗa wede Pool yi k'iide Korent ye

¹² Derec, munɗa wede kaye ulbey ay isiyo unse, wo elkisadey ere ay di suuniyo munɗa en beehiye en ulsu t'ay kaza: Kaye ay izire a daana don duniya, wo ay izire injkino toc min a daana kune, ti tassuwa wo t'adde soo geɗ iido ti Raa. Wo ay izire ti suuniyo k'ono ere ki don tudde ye, wo de ti beeko ere ki Raa.

¹³⁻¹⁴ Injkino man adda mattupiyagey don kaye ay un raaniyta munɗa doolo umbo, kane min ono don kun gariya wo kun di suuniyo itadan genno danɗal. Wo adda k'onamey geɗ, munɗa soo ede ankenno itadi kun ki ti zuune kereɗ ye, wo de nun ni zaapu elkisado a kune, kono san itadi kun di suuna kereɗ. Enno munɗa me: a onniyo kama Galmeega Isa, kaye ulbey aasa unse ti kune, geɗ kune ton ulbugun aasa unse ti kaye kay.

15 Nun sulɗi geɗ ni'ni zuune adda k'addó, inɗino maɗ n'a dihe ki poone n'a ette n'un ti'n wolley wo n'un di zaapey beeko ki sirwe sey.

16 Saɗ ti di kune geɗ n'a engiley ki siido Maseduwan, wo ti siido Maseduwan* n'a-kimey di kune sey, kono kun o t'eeley zaada n'a seedey urzi torguwadó ki siido Ziide.

17 Aame ni dihe n'aase inɗino'ɗ, ni ki t'ilke koduwo ye ko? Geɗ o di gaagiya a munda soo aa ɗoɗ tudde ge d'isiyo, inɗino n'a roote «eyye» wo saɗ «aha» sirwaɗ pay ko?

18 Raa batum yi suune ono ɗoɗ ay un rootiyo geɗ ɗerec, ay ki rootiyo «eyye» wo saɗ «aha» sirwaɗ pay ye.

19 Isa Almasi Ulo Raa, nun Pool ti Silas wo Timote ay gizite rabiladí di kune geɗ†, yode batum yi k'iido'ɗ ti elkiyo sire ye, yi ki ruute «eyye» wo saɗ «aha» sirwaɗ pay ye. Wo ɗe yoɗ y'iido'ɗ a munda soo «eyye» ɗaɗɗal.

20 Inɗino maɗ Isa yoɗ «Eyye» ki Raa, a sulɗi pay ɗoɗ yi ruute y'aasa me. Kono kamo t'urzi yode Isa in di rootiyo «Eyye» a Raa, wo in di y' tamma.

21 Geɗ yode Raa batum kaye ti kune y'in d'eliyo toogo a urzi lekkiyo kettiyo kaɗ soo t'Almasi, wo y'inni biire.

22 Yoɗ y'in di'n iigire t'Unde Kamileɗ, i-kaza kine ki yode, tod'te y'in t'ele adda k'addiɗ, gette barta ere ki poone ki sulɗi ɗoɗ Raa y'in boohiyo

* **1:16 1.16** Maseduwan gette siido soo adda siidiyagi pay ti kaaga ɗoɗ Romeɗ ga-dukke, tod'te a kese k'awwa ki siido ere aɗkeɗɗo an ti waaku Gires. † **1:19 1.19** Kun wollo adda mattup ki Naabo ɗoɗ zina 18.5.

saŋ y'in t'ela.

²³ Nuŋ eŋ, ni lohito ono maŋ, Raa y'ollige wo yi n'ôodo: Nuŋ ni ki gime ki Korent ye, kono ni ki dihe ye un t'isey ooŋe me.

²⁴ Kaye ay ki dehu ay un gi di'n dokke ki toogo ye a urzi zaapu k'addugun a Isa me, kono kun seedu zakidfi a urzi geŋ me wo, de ay dehu ay un di'n nooge kun di lekke t'unŋsuwo.

2

¹ Ki nuuno maŋ, ni t'ilkite'ŋ di kune ni k'iide ye bee, kono n'un ki ti'n t'eley kun ki t'isey sommagi dondonŋ sey ye.

² Aame n'un ti'n eley kun t'izey sommagi dondonŋ maŋ, t'aaye sey me n'aasey unŋsuwo te? Para maŋ ti yode wede ni ti y'ele y'a t'ize sommagi dondonŋ geŋno.

³ Aame n'iiney di kune maŋ, ni ki dehu doŋ ongo ti diinagun an ki ti n' t'eley n'a ki t'isey sommagi dondonŋ ye, ki too maŋ ti kane geŋno ay isey unŋsuwo te. Geŋ kono k'injino n'un di riine mattup gette*. Nuŋ ni suune adda k'addó, aame nuŋ ulbó unŋse maŋ, kune pay toŋ ulbugun unŋse.

⁴ Eyye, nuŋ n'un riine t'ulbe k'oofiyo baadan, biza k'ulbó i zehiso wo ti zumari edayó, wo de n'un riine kono n'un ki ti'n t'ele kun ki t'ise sommagi dondonŋ ye, wo kun di suune nuŋ o d'ede geyyiso baadan a kune me.

* **2:3 2.3** Pool yi rootiyo ti mattup ere ti doolo yi riine wo a digge, yi ki rootiyo ti mattup ere yi riine ki poone a doŋ Korent ye. Kun wollo adda mattup ki 2 Korent 7.8.

Tambobino a wede ize ulsu

⁵ Aame wenda ti diinagun yi t'ela d'uwu an t'iza sommagi dondon man, gen y'ele nuuno danjal ye, wo y'ele kune pay. Wo de ono gen in ti'n aagila baadan ye.

⁶ Ki wede inkinu gen dangay ere don baadan ti diinagun an i ele gettin, hinde baa.

⁷ Wo de anken kun i t'iso tambobino wo kun i eelo kooke, para man y'a t'isa sommagi dondon a ceera eedi.

⁸ Inkinu man, n'un di rooto munda wede kun d'ise, kun iso beehiyko kono y'a suune kune kun yi geyyiso.

⁹ Nun n'un riije mattup gette kono ni dihe n'un ti'n naame wo n'a suuna ki kotto onamo pay kun ollige man.

¹⁰ A wede'n kun i t'isiyo tambobino man, nun ton ni-t'ise tambobino kay. Aame nun n'isiyo tambobino gen, n'isiyo a munda ede do'n kollo, wo n'isiyo kono kune, wo a daana k'Almasi.

¹¹ Nun n'ize inkinu kono Meeda siitandani ti-ki t'oone urzi t'in gi di'n ceere ye, kono kine in ti suune raayikatú te.

Pool a geeger Tirowas

¹² Nun n'a ingile ki geeger Tirowas kono n'a kizitey Rabila Majjaanawa k'Almasi, wo aame n'iiney man n'a uwwe Galmeega y'o t'ihina urzi n'a kizite.

¹³ Wo de nun ulbo o d'uude baadan kono leemado Tit ni ki y'uuney ye. Inkinu man don Tirowas ni'n illi, n'a ingile ki siido Maseduwan†.

† 2:13 2.13 Kun wollo adda mattup ki Naabo don zina 20.1.

Isa Almasi y'a jiiire

¹⁴ In rooto koduwo a Raa, kono daayum y'in di'n t'ettiyo k'adda diine don an engile duy, pay kan soo in tamma Almasi yi jiiire. Wo t'urzi kine Raa yi d'isiyo a ume tuuku ton Almasi duwo an di y' suuniyo, geɗ aakede egey don eediyadan unse i-ti teepiyo a ume pay.

¹⁵ Derec, kine aakede egey don eediyadan unse Almasi yi-d'eliyo a Raa, wo eediyo ere unse gette, i-ti teepiyo a tukki don a urzi k'uttiyo wo a tukki don i t'umbe urzi daggiya pay.

¹⁶ A don soo eediyo gette tod'te eediyo ere k'unto, t'an d'an t'etta k'ume k'unto, a don ongo eediyo gette tod'te eediyo ere ki lekkiyo, t'an d'an t'etta k'ume lekkiyo ere ki daayum. Inkinoo wee wee a aane a t'ise naabo ere ette?

¹⁷ Kaye aakede don ongo ge d'isiyo suuk t'ono Raa genno ye, kaye ay rootiyo ono don derec ki Raa, t'adde soo wo a daanadi, kono ay lekkiyo kettiyo kan soo t'Almasi.

3

Don naabo a urzi taasuwa ere aware

¹ Kaye batum ay di dehe ay t'imme tuddey, ay t'eese kaye ay jiiire ko? Kunun i dehu mattup ay un d'ette a kize kaye don zina k'Isa, aa don ongo ge d'isiyo ko? Kunun ay ambe tunda man, i dehu ay tonde mattup ti beygun ko? Aha, inkinoo ye!

² Geɗ kune batum aakede mattupadey, raaniya a biza k'ulbey, duwo pay an ti suune wo an di gare.

³ Eyye, geɗ kereɗ kune aakede mattup ere Almasi batum yi riije y'ay d'ele beezey ay i di

naabe. Mattup gette yon yi riije ti buuye ye, wo de yi riije t'urzi k'Unde Raa zeere. Tode gette yi riije ekki pakirtagi mongali ye, wo de yi ti riije a biza k'ulbugun*.

⁴ Kaye ay rootiyo injkino kono ay ziipe addey a Raa t'urzi k'Almasi.

⁵ Geŋ d'erec kaye ay suune, ti toogo k'aggadey ay ki t'iide ye k'isiyo naabo ette. Wo de naabo ette ay ti-t'isiyo ti toogo ere Raa y'ay eliyoy.

⁶ Geŋ yode Raa y'ay di'n ize d'on aane i t'ise naabo a urzi taasuwa ere aware, ti k'ettiyo t'urzi k'oogoro Muusa ere yi riije gettiyo ye, wo de t'ettiyo t'urzi k'Unde Kamilen. Derec, to oogoro ere yi riije ti kaaga gette duwo t'an d'an t'etta k'ume k'unto, wo de Unde Kamilen t'in di'n t'etta k'ume lekkiyo ere ki daayum.

⁷ To oogoro gette Muusa yi ti riije ti kaaga ti aryagi raaniya eego pakirtagi mongali†, wo aame y'ize injkino geŋ duwo an di wulle toore ki gooliko Raa. Wo toore gooliko'n a-tuure ume k'eda Muusa, d'on k'Izirayel an k'iine wolleyo yerere adda k'edayi ye, kono i tooriyo baadan‡, kacin yo toore geŋ ki peedo boolon. Aame oogoro ere t'an d'an t'ettiyo duwo k'ume k'unto gette, toore ki gooliko Raa t'an yi gize injkino man,

⁸ geŋ ki kotto naabo k'Unde Kamilen meedikatu t'aasa a ceera sey.

* **3:3 3.3** A ume an riije «pakirtagi mongali» geŋ, kun wollo adda mattup ki Egzod 24.12. Wo a ume an riije «a biza k'ulbugun» geŋ, kun wollo adda mattup ki Zeremi 31.33 wo Ezekiyel 11.19. † **3:7 3.7** Kun wollo adda mattup ki Egzod 31.18 wo 34.27-28. ‡ **3:7 3.7** Kun wollo adda mattup ki Egzod 34.29.

⁹ Derec, naabo k'oogoro ere dūwo booro ti di'n seedfu gette tod'te meedikatú a jiiire mañ, geñ ki kotto naabo k'Unde Kamilen̄ ere ti di'n isiyo dūwo ki diine a d̄aana Raa gette, tod'te meedikatú a jiiire sey.

¹⁰ In̄kino a d̄aana meedikatú ere a jiiire ette, gooliko ere a tuure ti kaaga gette, tooratú a ñokkida.

¹¹ Aame munda wede sañ yi-t'engila, goolikadí a jiiire mañ, ki kotto munda wede a lekka ki daayum geñ, goolikadí t'aasa meeda a ceera sey.

¹² Kaye ay zaapu elkisadey a suldī geñño, in̄kino ay rootiyto ono Raa kereñ daa k'orgiso.

¹³ Kaye ay k'isiyo aa ki Muusa ye. Yoñ ume k'edayí y'a-ti diibiyo buude, kono d̄oñ k'Izirayel an ki wolle ñokkiso ki toore wede a ume k'edayí geñño ye.

¹⁴ Wo d̄e kane eedañ ere soodo a elkiso a t'ippe, bini an̄ken̄no ton̄ aame an gariya mattup ki taasawa ere mazzini mañ, munda aa buude yi lekkiyo diibiyo a eedañ ere soodo k'elkiso gette daa k'ambuzí. Yi t'isa umbo aame an likka kettiyo kañ soo t'Almasi d̄o.

¹⁵ Geñ in̄kino bini an̄ki, daayum aame tuuku d̄oñ k'Izirayel an gariya mattup ki oogoro Muusa mañ, munda aa buude y'an di diibiyo a eedañ ere soodo a elkiso.

¹⁶ Wo d̄e aame wede yi ti kama ki tukki Galmeega d̄oo min̄, buude'ñ yi-ti y'ambu kollo.

¹⁷ Kun ollo, Galmeega yoñ Unde, wo a ume Unde Galmeega ede geñ, dūwo eedañ toore.

¹⁸ Kine d̄oñ pay ume k'edayin̄ daa diibu ti buude geñ, toore ki gooliko Galmeega yi-tooriyo

a tuddiɗ, aakede adda kaynaaɗa. Inƙino maɗ, Galmeega yon Unde geɗ lekkiyadiɗ yi-ti kama, in di deeyiso aa yode ti gooliko ere meeda i ceeriyo ki ceeriyo.

4

Doɗ zina k'Isa an dabirsa aa ki yode

¹ Kaye Raa y'ay d'ize adde koduwo naabo ette y'ay di t'ele a beezey, inƙino maɗ kaye tuddey a ki rurrige ye.

² Sulɗi ɗon ki sukiyagi ɗuwo an isiyo kaɗ ombiɗe geɗ, kaye adda ye. Kaye ɗuwo ay ki'n ombo ti metiɗko ye, wo ono Raa ay ki ti'n kama ti dergilagi ye. Wo ɗe kaye batum ay rootiyo ono ɗon ɗerec a ɗaana Raa, inƙino ɗon pay elkisadaɗ t'an di kize onamey ɗerec.

³ Wo aame Rabila Majjaanawa ere ay kazita ette a ɗon ongo ti lekkiyo diibiyo maɗ, geɗ ti lekkiyo diibiyo a kane ɗon i t'umbe urzi daggiya.

⁴ Kane an di tuuge zaapu k'addaɗ a Isa, kono Meeda siitandani i dokkiyo duniya gette, t'an t'ippe a eedaɗ ere soodo a elkiso te. Inƙino maɗ toore wede ki Rabila Majjaanawa an ki y' woliyo ye, yode wede i-kaza gooliko k'Almasi, yon min Raa koyok.

⁵ Ono ɗon ay kazita eɗ, ay kazita a tukki kaye batum ye, wo ɗe ay kazita a tukk'Isa Almasi yon Galmeega, wo ki too maɗ kaye batum ay rootiyo, kaye ɗon naabaguɗ a urzi k'Isa me.

⁶ Raa yi ruute ti kaaga, y'ede: «I iso toore a toore adda zimolo*.» Geɗ yode Raa geɗɗo batum

* **4:6 4.6** Kun wollo adda mattup ki Zenez 1.2-3.

y'a-tuure biza k'ulbey ti toorayí, y'ize injkino kono yi dehu ay di wolle toore goolikadí i tooriyo a ume k'eda k'Almasi.

⁷ Wo de kaye don i sarkiya laale ki Raa adda k'addey en, kaye aakede toolo lee toogadey umbo. Injkinon man in suune kereñ toogo ere a jiiire eego kino ette, ettiyo ti Raa, ti kaye ye.

⁸ Kaye t'ume tuuku ton ay d'ettiyo suldi don oone ay di'n neryiso, wo de an ay gi di'n ceeriyo ye, kaye ulbey ay d'oodiyo baadan, wo de eedey i-ki daggiya ye.

⁹ Duwo an ay di'n lommitte, wo de Raa y'ay ki'n ooliyo ye, kaye an di danyisa siido, wo de an ay ki ti'n towwo ye.

¹⁰ Kaye daayum ay d'owwiyo a tuddey unto t'ayni dooliyo aa ti duule Isa, injkino man lekkiyo k'Isa ton duwo an aane an di wolle kereñ adda tuddey me.

¹¹ Wo de daayum kaye don i lekkiyo zeere en, duwo an dehu an ay ti'n t'ide kono ay daaniya Isa. Injkinon man lekkiyo k'Isa ton duwo an di wolle kereñ adda tuddey ere k'unto ette.

¹² Injkinon kaye daayum lekkiyadey aa a biza zire, wo tin gen kune kun d'ooniyo lekkiyo ere ki daayum.

¹³ An riine ti kaaga adda mattup ki Raa, an'de: «Nun n'ele addo a Raa, kono kamo n'a gizite onami me†.» Kaye ton, urzi zaapu k'addey a Raa injkino kay, gen ay zaapu addey a yode, kono kamo kaye ay di kazita onami me.

† 4:13 4.13 Kun wollo adda mattup ki Soom 116.10.

14 Eyye, kaye ay suune Raa wede a bilde Galmeega Isa ti diine don unto gen, y'ay ti'n balda kay aa y'a bilde Isa, wo kaye ti kune y'in di'n t'etta pay ki daanadi.

15 Suldi don pay ay aaniya, ay d'ombine gen, kono un di'n nooge. In kino man beeko Raa t'aasa baadan a eggun, wo daayum kun d'aagila k'aagulu, kun di roota koduwo a Raa wo kun di y' t'imma pay kan soo.

Lekkiyo a urzi zaapu k'adde a Isa

16 Kono kamo kaye tuddey a ki rurrige ye. Wo aame ise tuddey ette boolon ti boolon toogatu i dangiya ton, adda k'addey onniyo ti onniyo Raa y'ay d'eliyo toogo.

17 Dabar ay ooniyo ankenno ette, tod'te soodo wo ki peedo boolon, wo de t'in di'n isiyo kine don a t'oona daryika ere meeda ki Galmeega wenda yi ki ti dooze ye, daryika gette tod' ti lekkiyo ki daayum wo ti jiiere dabaradey tan baadan.

18 In kino man kaye ersadey ekki suldi don ay'ni woliyo genno ye, wo de ersadey ekki suldi don ay ki'n woliyo ye. Suldi don ay'ni woliyo gen, kane an t'engila, wo de don ay ki'n woliyo ye gen, kane an di lekka ki daayum.

5

1 Derec, tuddin in di lekkiyo a siido ette, tod'te aakede daabe san onniyo soo a latta. Wo de kine in suune aame in t'inda man, a kandaane Raa y'in t'eeley tudde ti doolo ere a lekkey ki daayum, tod'te i t'ikkima Raa, bey wedusu ye.

² Wo ankenj a siifdo ette kine in dawilsa*, in di dehu t'addinj pay, Raa y'in t'osse tudde ere ti kandaane, t'ekki tudde ere a siifdo ettiyo, geñ aakede wede y'a t'ossiyo kalle t'ekki bakadí.

³ Inkinno mañ tuddinj Raa yi-ti t'ossey in ki lekkey bontilinj ye.

⁴ Ankenno kine in lekkiyo ti tuddinj ere aa daabe ette, in di dawilsa aakede in sarkiya attidí baadañ. Derec, kine in ki dehu in ki t'inda ye, wo de in di dehu in a-t'osse t'eego'ñ tudde ere ti kandaane, geñ inkinno tudde ere a lekka ki daayum t'a dagga tudde ere k'unto.

⁵ Geñ yode Raa batum inni biire kono onniyo soo in di lekkey ti tuddinj ere a kandaane gette, inkinno y'in d'ele Unde Kamilenj adda k'addinj, gette barta ere ki poone ki suldí donj y'in boohiyo sanj y'in t'ela.

⁶ Inkinno mañ kine in di lekke daayum tuddinj i-ki rorrige ye, wo in di suune aame in lekkiyo ti tuddinj ettiyo baa geñ, kine dokki t'ume lekkiyadinj ti Galmeega me.

⁷ Derec, in sooru t'urzi zaapu k'adde a Isa, in ki sooru t'urzi munda wede in wolleiyo t'edayinj ye.

⁸ Eyye, kine in di lekke daayum tuddinj i-ki rorrige ye, wo munda wede in di dehe a ceere, tuddinj ette in di t'ooli in t'ette in di lekkey a sirpa Galmeega.

⁹ Inkinno ise in lekkiyo ti tuddinj ettiyo, ise in ti t'inda tonj mañ, in dehe a jiiire munda wede Galmeega ulbí i-d'ise unse.

* 5:2 5.2 Kun wollo adda mattup ki Romenj 8.23.

¹⁰ Derec, i dehu kine pay in t'etta k'ume booro k'Almasi, y'a d'ekkey booro eediŋ. Injino maŋ wede tuuku toŋ y'a t'ooney munda wede Raa yi-t'eley a naabadí ere y'ize a lekkiyadi a duniya, ise ki beehiyko ise k'ulsuko toŋ maŋ†.

In ti kami in t'okkiyo ti Raa

¹¹ Kaye ay suune Galmeega yi d'ekka booro eediŋ, injino maŋ ay d'orgiso a yode. Geŋ kono kamo ay d'isiyo t'urzi tuuku toŋ d'uwu an di suune adda k'addaŋ onamey d'erec. Raa toŋ y'ayni suune kereŋ, wo n'elkiyo kune toŋ, adda k'addugun kun ayni suune kereŋ.

¹² Ay ki dehu ay ki kize tuddey sey ye a d'aana kune me, wo d'e ay dehu ay un di kize urzi wede ulbugun aase unse ti kaye. Injino maŋ kun d'aana kun an di-kima ono ki d'oŋ i rootiyo k'ulsuko a tukki kaye. Kane geŋ an koliyo tuddaŋ a suldi d'oŋ an woliyo t'edayaŋ, a suldi d'oŋ adda k'adde ye.

¹³ Doŋ ongo an'de, eedey i digge. Wo eedey i digge ki kotto maŋ, geŋ a Raa, wo d'e kaye mentikagi maŋ, geŋ a kune.

¹⁴ Kaye naabo ere ay isiyo ette ayni dokkiyo geyyiso ere k'Almasi, kono ay suune adda k'addey wede soo y'a inda kono d'uwu pay, geŋ injino aakede d'uwu pay an t'inda ti yode a d'aana Raa me.

¹⁵ Yoŋ y'inda ki d'uwu pay, kono d'oŋ i lekkiyo zeere geŋ, an ki lekke lekkiyo ere k'aggadaŋ ye, wo d'e an di lekke lekkiyo ere ki yode Almasi, y'a inda wo y'a bild'e kono kane.

† 5:10 5.10 Kun wollo adda mattup ki Romerŋ 14.10.

¹⁶ Geŋ inŋkino ti aŋki, kaye wenda soo toŋ umbo ay di y' wolle a urzi tudde me. Derec aame ti kaaga Almasi ay yi wulle aa wede tudde toŋ maŋ, aŋkenŋo yoŋ ay ki y' wolliyi inŋkino ye baa.

¹⁷ Aame wede yi lekkiyo kettiyo kaŋ soo t'Almasi maŋ, yode batum yi t'ize wede aware. Lekkiyadi ere mazzini ti t'ingile, wo aŋkenŋo y'a lekke lekkiyo ere aware baa.

¹⁸ Suldi pay geŋ isiyo Raa, yoŋ y'in ti'n gimo in t'ukkiye ti yode t'urzi k'Almasi, wo y'ay d'ele attidi ki naabo kazita a duwo an di-kimo an di t'okkiye ti yode.

¹⁹ Geŋ derec, Raa t'urzi k'Almasi duwo y'a ti'n gimo an t'ukkiye ti yode. Wo yoŋ a doopidadan ere an a ti diipida a urzizi gette yi ki ti kaza ye baa, wo a kaye y'ay d'ele naabo kazita a duwo an di-kimo an di t'okkiye ti yode.

²⁰ Inŋkino maŋ kaye aakede bize k'Almasi y'ayn'igibo, geŋ aakede yode Raa batum y'unni waaku t'urzi kaye. Inŋkino kun ollo, ti suma k'Almasi ay un obe bey, kun oyyo kun ti kami kun t'okkiye ti Raa!

²¹ Almasi geŋ yoŋ oldiko yi k'ize ye, wo de Raa y'a y'ize y'a t'umbe oldiko kine, kono t'urzi yode kine in t'ise doŋ ki diine a daana Raa.

6

¹ Kaye ay naabiya ti Raa kaŋ soo, inŋkino ay un t'eele kooke'ŋ: beeko ere kun uune ti Raa gette, kun ti t'ise ki bita ye.

² Derec, ono eŋ Raa yi ruute ti kaaga, y'ede:

«A onniyo ere n'a gize beekadó, nuɲ mōoladá
n'a illiga,

wo a onniyo k'uttiyo, nuɲ n'a gi di nuuge*.»

Zemba ki nuɲ kun ollo, onniyo ere k'uttiyo
Raa yi ti ruute gette, aɲki t'iina baa. Tode gettin
onniyo ere ki beeko Raa.

³ Kaye a wenda soo toɲ ay ki dehu ye, ay yi-di
t'ise morkolo morkiye a urzi Raa me, kono t'urzi
tuuku toɲ d'uwu an ki t'oone munda k'ulsuko
adda naabadey ye.

⁴ Wo de ay di dehu aame i isiyo munda toɲ
ay kaza tuddey a d'uwu kaye doɲ naabo Raa ki
kotto, ay d'ombine baadaɲ a sulfi doɲ aakede:
Dabar, eedey ay ki t'ooniyo ye, wo ulbe k'oodiyo
baadaɲ geɲ me.

⁵ Duwo an ay di'n gussite, an ay di'n ibi
adda daɲgay, an d'oozige kulkuwo ki tuddey,
ay d'ombine a ormiyo naabo, wo onniyo muno
moone umbo, addey guguba.

⁶ Ay kaza tuddey kaye doɲ naabo Raa t'urzi
lekkiyadey ere kamileɲ, t'urzi suuniyadey, t'urzi
k'ombinadey, t'urzi beehiykadey, t'urzi naabo
k'Unde Kamileɲ, t'urzi geyyisadey ere t'adde soo,

⁷ t'urzi kazita k'ono doɲ d'erec wo t'urzi toogo
Raa. Kaye sulfi k'arkadey, lekkiyo ere ki diine
a daana Raa, tode gette aakede arku a bey
k'ammade ki sakka wo dargine a bey geelo ki
naakiwsa.

⁸ Doɲ ongoɲ an ay d'eliyo suma, doɲ soɲ an
ay di'n koogire. Doɲ ongoɲ an rootiyo sundey
k'ulsuko, doɲ soɲ ki beehiyko. Duwo an ay

* 6:2 6.2 Kun wollo adda mattup ki Ezayi 49.8.

di'n wolleiyo kaye aa don lohito k'ono, kaciŋ ay rootiyo ono don derec.

⁹ An d'isiyo aa an ay ki'n suune ye, kaciŋ an ayni suune beehiye. An ay di'n wolleiyo kaye aa don unto, kaciŋ ay lekkiyo zeere. Duwo an ay di'n dabirsa, wo de an ay ki ti'n tôwwo ye.

¹⁰ An d'isiyo ay t'ise sommagi dondon, wo de kaye daayum ulbey unse. Duwo an ay di'n wolleiyo aa ay k'ede munda ye, kaciŋ† don baadan ay an di'n isiyo ki laale. An elkiyo munda ay k'ede ye, kaciŋ suldi pay ay d'ede.

¹¹ A kune zembadey don a Korent, kaye addey ay un ti'n iidiba kereŋ, ay unni geyyiso baadan.

¹² Kaye ay unni giyye baadan, wo de kune ay ki'n giyye ye me.

¹³ Inkiŋo maŋ ono don n'un orbe eŋ aa meege y'an orbe a inŋizi, kune ton kun ayni geyyo aakede kaye ay unni geyyiso.

Kine boy wede ki Raa zeere

¹⁴ Kune ti don i ki ziipe addan a Isa ye geŋ, kun ti dodde talgagun soo ye. Munda ede koo a-kette kan soo munda wede ki diine aa Raa yi dehu ti munda wede ulsu me? Aha, munda umbo! Munda ede koo a-kette kan soo an toore ti zimolo me? Aha, munda umbo!

¹⁵ Almasi ti Meeda siitandani, onamaŋ ette kan soo ko? Aha, i k'ette ye! Munda ede ko a t'okkiye wede i ziipe addi a Isa ti wede i ki ziipe addi a Isa ye me? Aha, munda umbo!

¹⁶ Munda ede ko a t'okkiye Boy Raa ti lonŋayi me? Aha, munda umbo! Derec kine eŋ, kine

† 6:10 6.10 Kun wollo adda mattup ki 2 Korent 8.9.

boy wede ki Raa zeere, geŋ aa ono dŋŋ Raa y'a ruute ti kaaga, y'ede:

«Nuŋ n'a lekka adda diinayan wo n'a ozira ti kane,

nuŋ n'a t'isa Raazan wo kane an t'isa dŋŋzó‡.»

¹⁷ Kono kamo Galmeega Raa y'a ruute, y'ede: «Kune ti diinayan kun t'adŋo kun t'argu siggun! Munda wede un di'n isa ganigi a dfaana nuŋ Raa, kun botta ye,

wo nuŋ n'un di'n seeda bey sire§.»

¹⁸ Galmeega Raa toogo i jiire pay y'a ruute sey, y'ede:

«Nuŋ n'a t'isa Meegugun,

wo kune, kun t'isa inŋizó kuuli wo erayi*.»

7

¹ Zemba ki nuŋ kune dŋŋ ki geyyiso, suldi dŋŋ Raa yi ruute y'aasa geŋ, d'erec kane an lekkiyo a kine. Kono kamo kine batum addiŋ in ti'n iso kamileŋ ti suldi dŋŋ i-ti'n isiyu tudde ti biza k'ulbe ganigi geŋ me, wo in soodo zakidi in t'iso dŋŋ ooyiso kese a Raa wo t'orgiso a yode.

Uŋsuwo ki Pool a tukki dŋŋ Korent

² Kun ayni geyyo, kono kaye a wenda soo toŋ ulsu ay i-k'ize ye, wenda soo toŋ ay ki digge ye, wo wenda soo toŋ ay ki mibilde ye kono ay t'ambe mundazi me.

‡ **6:16 6.16** Kun wollo adda mattup ki Lebitik 26.12 wo Ezekiyel 37.27. § **6:17 6.17** Kun wollo adda mattup ki Ezayi 52.11 wo

Ezekiyel 20.34. * **6:18 6.18** Kun wollo adda mattup ki Oze 2.1 wo Ezayi 43.6.

³ Ni rootiyo inĵkino kono booro t'un gi di'n seeda ye. Geŋ aa n'a ruute ti poone: kune ay un elkiyo daayum adda k'addey, kine kettiyo kaŋ soo ise in lekkiyo zeere, ise in ti t'inda toŋ maŋ.

⁴ Nuŋ ni ziipe addó pay a kune, ulbó o-t'ize uŋse baadaŋ ti kune me, nuŋ a ti n' zille, wo ulbó a ûune t'uŋsuwo adda dabaradey ere pay gettiyo toŋ maŋ.

⁵ Inĵkino maŋ aame ay iina a siido Maseduwan toŋ, kaye ay ki ti buuke ye, wo de ita dabar ere tuuku toŋ ay di-t'uune: t'eŋ d'uwó an ay di'n t'iiziga, wo adda k'addey ay d'ede ulbe k'oofiyo.

⁶ Wo de Raa, yoŋ yi selliyo d'oŋ tuddaŋ i ti rorriso geŋ, y'ay ti'n zille ti aaniya Tit.

⁷ Wo ay uune selliyo ti aaniyadi d'aŋŋal ye, wo de t'urzi kooke wede kun i elo pây. Wo soŋ y'ay t'iide taaya y'ede, kune mosogo nuŋ Pool kun dehu kun ti n' wolle, a môolagaŋ ere kun îile, a urzi wede kune wehini ki naakiwsadó me, geŋ kono k'inĵkino ulbó o-t'ize uŋse baadaŋ sey.

⁸ Aame a mattup ere n'un riinje gette kun t'ize sommagi dondoŋ maŋ, nuŋ toŋ o t'ize attidi. Wo aŋkenŋo nuŋ o ki t'ize attidi ye, kono sommagaŋ a mattup gette ki peedo booloŋ.

⁹ Wo aŋkenŋo nuŋ ulbó o isiyo uŋse a sommagi dondoŋ ki kune geŋŋo ye, wo de o isiyo uŋse kono sommagaŋ geŋ un di'n ize kun di gime lekkiyagaŋ. Kane sommagi geŋ iido ti Raa, inĵkino kaye munda k'ulsuko soo toŋ ay un k'ize ye.

¹⁰ Ki kotto sommagi dondoŋ d'oŋ ettiyo t'urzi Raa geŋ, i d'eliyo urzi kama lekkiyo, t'urzi geŋ kine in d'ooniyo uttiyo, geŋ in ki t'ise attidi ye.

Wo de sommagi dondon don ettiyo t'urzi duniya ette, a-d'ette unto.

¹¹ Anken kun ki wollo do, suldi don kun uune aame dangu t'urzi sommagi dondon don ettiyo t'urzi Raa gen me. Eyye, kane gen an un di'n ize don addan soo k'isiyo munda wede Raa yi dehu, son kun t'ize don seegun ye ti wede isiyo oldiko me, son kun di kulkiso a munda wede ulsu, son un t'eliyo orgiso a munda ulsu kun d'ise me, son un t'eliyo mosogo ki wollisadó, son k'un t'ize don wehini a urzi zaapu k'addugun a Isa, wo son k'un d'uune urzi wede wedusu yi t'isiyo oldiko man kun di y'eliyo dangay. Gen t'urzi tuuku ton kune batum kun gize ti suldi ulpi gen kune adda ye.

¹² Inkin man, n'un riije mattup gette kono ni dihe n'un di kize a daana Raa, kune don wehini a urzi geyyisadey me. Wo de ni ki riije kono yo wede ize ulsu* ye wo kono wede an i ize ulsu ye.

¹³ Kono kamo ti naabagun gette kaye ay d'uune toogo baadan.

Wo ay uune toogo ti naabagun dangal ye, ulbey ay d'ize unse a jiire kono ay wulle Tit batum ulbi unse baadan ti kune me. Anken addi i t'udige baa kono kune pay gen me.

¹⁴ Derec, a daana Tit gen nun ulbo oo d'ize unse kono kune gen me, wo de gen nun oo k'ede sukiyagi ye baa. Kaye daayum derec ay un ti ruute, wo anken munda wede a yi ruute Tit a tukki kune gen, yon ki kotto derec.

* **7:12 7.12** Kun wollo adda mattup ki 2 Korent 2.5-8.

¹⁵ Tit geŋ y'un elkiyo adda k'addí kono kune pay onamí kun'n illiga, wo kun di y' ziiɗa bey sire ti ottilso wo ti orgiso a Raa. Kono kamo y'un di'n geyyiso baadaŋ a jiiɗe ere ti poone.

¹⁶ Nuŋ ulbó uŋse kono a sulɗi pay, n'aane n'a zaape addó a kune.

8

Eliyo kooke a urzi tussiyo

¹ Zemba ki nuŋ, kaye ay dehu kun di suune beeko ere Raa y'an ele a kane ɗoŋ ogiysito ti suma k'Isa a siido Maseduwan.

² Kane geŋ an d'uune naamiya t'urzi dabar ere baadaŋ, wo ɗe toŋ an di lekkiyo daayum ulbaŋ uŋse. Wo kane munda an k'ede ye an daayisa baadaŋ toŋ, kane wasigale an d'ele sulɗi baadaŋ a urzi naabo Raa me.

³ A urzi tussiyo geŋ, wede tuuku toŋ y'ele munda a toogadi toogadi, wo ɗoŋ ongo an ele a jiiɗe toogadaŋ sey, nuŋ Pool eŋ ersadó ti wulle, geŋ wenda soo toŋ an ki y'ize ye ki toogo me.

⁴ Kane an di-giddima baadaŋ ti obe bey, ay d'ise beeko maŋ an di nooge a naabo tussiyo a ɗoŋ ki Raa a siido Ziide*.

⁵ Inkiŋo maŋ a naabo gette ki poone an d'ele tudaŋ batum a Galmeega, saŋ a ɗaana kaye aa Raa yi dehu. Geŋ a jiiɗe munda wede ay elkiyo an aane an d'ise.

* **8:4 8.4** A urzi tussiyo ere a zemba ɗoŋ a siido Ziide gette, kun wollo adda mattup ki Romeŋ 15.26 wo Galat 2.10.

⁶ Kono k'inkino Tit geŋ kaye ay di gidɗima kono naabo tussiyoo ere y'iiso di kune ɗoŋ Korent gette, y'a kime y'a-ti ɗaŋgo ti beehiyko.

⁷ Kune ki laale a sulɗi pay, aakede: Urzi zaapu k'adde a Isa, urzi rootiyo k'ono, urzi suuniyo sulɗi pay ɗoŋ ki Raa, urzi k'isiyo naabo Raa t'adde soo, wo urzi geyyiso ere kun uune ti kaye. Inkiŋo maŋ a urzi tussiyoo toŋ, kun kaza kune ki laale wo ay dehu kun t'ise ɗoŋ wasigale.

⁸ Onamó ni rootiyo eŋ, n'un ki'n isiyo ki toogo ye, wo ɗe n'un tówwoo taaya ki zemba ɗoŋ a Maseduwan an ize naabo Raa t'adde soo, geŋ kune toŋ kun di kize geyyisaguŋ ekki ɗuwo t'adde soo.

⁹ Kune kun ti suune beeko ere Galmeegiŋ Isa Almasi y'eliyo ti mozuwo te. Yoŋ ki laale, wo ɗe kono kune y'a iyye y'a-t'ize tuddi wede i-k'ede munda ye, inkiŋo t'urzi geŋ y'un di'n ize kune ki laale.

¹⁰ Kun ollo, n'un d'elo elkiyadó a urzi tussiyoo gette: beehiye a kune kun di seeda zakidi bini ɗaŋgu, kono t'oboŋoŋ naabo gette i t'ilke wo iise ki poone toŋ kune.

¹¹ Ankeŋ naabo gette kun a ti ɗaŋgo. Wo kun ti ɗaŋgo t'adde soo, wede soŋ a toogadi toogadi, aakede kun ilke t'ume k'eesiyo.

¹² Aame in eliyo munda t'adde soo maŋ, Raa toŋ ulbi unse a munda wede in eliyo me, wo mundaŋin umbo maŋ Raa toŋ yi ki tonɗiyo ye.

¹³ Kaye ay ki dehu ye ɗoŋ ongo an t'oone eedaŋ, wo kune kun t'ette adda dabar me. Wo ɗe ay dehu kun t'ise pay miŋ kaŋ soo wede tuuku toŋ i ki baate ye.

14 Ankenno kune adda darna geŋ, kun d'ette noogiyoo kane don an biite. Saŋ aame onniyo soo kune un biita wo kane adda darna maŋ, an d'etta noogiyagun kay. Inkiŋo maŋ kun di lekka pay miŋ kaŋ soo wede tuuku ton i ki baate ye.

15 Ono eŋ an riine ti kaaga adda mattup ki Raa, an'de: «Wede yi ziki baadan ton, i k'oope ye, wo wede yi ziki baata ton, i ki beete ye†.»

Tit ti don an naabiya kaŋ soo

16 Kaye ay di roote koduwo a Raa, yi-d'ize adda k'adde Tit yi dehu t'adde soo y'un di'n noogey aa ki kaye.

17 Tit geŋ kaye ay yi tunde maŋ, y'a iyye y'a t'ette di kune me, wo yoŋ miŋ y'ele tuddi ki poone too, wenda yi ki y'ize ki toogo ye, y'a t'iiziga y'a engile di kune.

18 Kaye ay a-t'igibe ti yode leema wede don pay ogiyso ti suma k'Isa an yi tamma a urzi naabadi ere ki kazita Rabila Majjaanawa.

19 Wo k'inkiŋo danŋal ye, don pay ogiysito ti suma k'Isa an yi biire ay torguwe kaŋ soo, kono ay a-ti danŋey naabo ere ki tussiyoo. Naabo gette kaye ay isiyoo kono a t'ele tamma a yode Galmeega batum. Inkiŋo maŋ duwo pay an di suune kaye ay naabiya t'adde soo.

20 Kay ay d'ede attidi a urzi yeeriyo sonko ere baadan duwo an tusse ette, inkiŋo ay konso jep, kono duwo an ki roota munda k'ulsuko a tukki kaye ye.

21 Kaye ay dehu ay ki d'ise beehiye a daana Raa danŋal ye, wo de a daana duwo pay.

† 8:15 8.15 Kun wollo adda mattup ki Egzod 16.18.

²² Ti kane zemba sire geɗ, ay a-t'igibe leemadey soo inƙino, wede taɗ baadaɗ a naabo tuuku toɗ ay ti y' wulle yoɗ yi dehu t'adde soo y'a nooge ɗoɗ oɗgo. Wo aɗkeɗɗo toɗ yi dehu y'aase inƙino sey a ceere kono yi ziipe addi pay a kune.

²³ Tit geɗ, yoɗ wede ay sooru soo wo ay naabiya toɗ kaɗ soo ki noogiyaguɗ. Wo ki zemba ɗoɗ ti yode geɗ, i'n igibe zemba ɗoɗ pay ogiysito ti suma k'Isa, wo naabadaɗ ere an isiyo gette, i d'eliyo tamma a Almasi.

²⁴ Kane geɗ kun'ni soodo bey sire, kono a kize ki kotto kun'ni giyye. Inƙino maɗ ɗoɗ pay ogiysito ti suma k'Isa geɗ, an di suuna adda k'addaɗ munda wede ay ruute a tukki kune geɗ ɗerec.

9

Raa yi giyye wede eliyo t'ulbe unse

¹ A urzi tussiyo ki noogiyo ɗoɗ ki Raa a siido Ziide geɗ, ki too maɗ n'un ki raaje ye baa,

² kono ni suune kun dehu kun nooge t'adde soo me. Inƙino kune n'un di'n imme a ɗaana zemba ɗoɗ a siido Maseduwan, wo n'an di ruute, n'ede: «A urzi tussiyo geɗ, zemba ɗoɗ a siido k'Akayi toɗ an t'ikkima tuddaɗ t'oboɗoɗ too.» Aame ɗoɗ Maseduwan an illiga kun iiziga wehini a urzi tussiyo maɗ, ɗoɗ baadaɗ ogiysito ti suma k'Isa an d'eele toogo.

³ Wo aɗkeɗ zemba aɗo eɗ n'anni t'igibe k'ume kune kono a urzi tussiyo kun t'okkimey tudduguɗ beehiye, aa n'a ruute a ɗoɗ oɗgoɗ.

Wo geŋ nuŋ n'un di'n imme, ni ki dehu n'a ki t'ise wede lohito k'ono ye.

⁴ Wo nuŋ orgisadó, aame dɔŋ miibi ti siido Maseduwan etta di kune ti nuuno geŋ ay un ki'n uuney tuddugun okkime ye maŋ, kaye ay seedey sukiyagi kono ay ziipe addey a kune, wo kune toŋ kun seedey sukiyagi kay.

⁵ Inŋkino maŋ n'a t'ilke n'a tunde zemba aɔo eŋŋo an ay d'oogume di kune, an a-ti dangey tussiyo ere kun ruute kun t'ela ti mozuwo. Geŋ aame n'iiney maŋ, tussiyo ettú t'iide, wo a kizey kun ele t'adde soo, t'adde sire ye.

⁶ Kune ono eŋ kun'ni suuno kofuwo, wede yi giira baata maŋ, y'a t'ayɔa toŋ baata kay, wo wede yi giira baadaŋ maŋ, y'a t'ayɔa toŋ baadaŋ kay.

⁷ Geŋ wede tuuku toŋ y'elo aa y'ilke adda k'addí, t'adde sire ye, wo aa an ki y'ize ki toogo ye, kono Raa yi geyyiso wede y'eliyo ti ulbe unse.

⁸ Raa geŋ yon i-d'ede toogo y'un di'n oone t'ita beeko ere tuuku toŋ maŋ, kono suldi dɔŋ pay daayum kun dehu ki lekkiyagun geŋ, kun di'n t'oono baadaŋ sey a oopita, inŋkino kun t'ela k'isiyo naabo ere pay beehiye.

⁹ Ono eŋ an riine ti kaaga adda mattup ki Raa, an'de:

«Yon suldi y'a-dikkida, y'an d'ele ti mozuwo a dɔŋ an k'ede munda ye,

Munda wede y'isiyo ki diine a duwo geŋ, yon i lekkiyo ki daayum*.»

* 9:9 9.9 Kun wollo adda mattup ki Soom 112.9.

¹⁰ Eliyo buzu korso ti ombo a wedusu Raa, geŋ y'un t'ela kay buzu korso me, y'un di y'aagila wo munda wede kun isiyo ki diine a d'uwu geŋ y'un di y'aagila k'aagulu.

¹¹ Kune Raa y'un di'n isa ki laale a suldi doŋ pay beehiye, wo kun di koonaa daayum wasigale. Injino maŋ doŋ baadaŋ an di roota koduwo a Raa a munda wede ay an d'etta geŋ me.

¹² Derec, naabo tussiyo ere kun isiyo gette a ki t'ida mosogo doŋ ki Raa a siido Ziide daŋŋal ye, wo soŋ doŋ baadaŋ an di roota koduwo a Raa.

¹³ Duwo an wulla'ŋ naabo gette beehiye, injino maŋ doŋ baadaŋ an t'imma Raa a ollige k'ono ere un d'ede kono kuŋ seedu zakidi a urzi Rabila Majjaanawa k'Almasi. Wo an t'imma Raa sey kono kune wasigale, aggaguŋ kun d'ele a zemba doŋ a siido Ziide wo ti doŋ pay.

¹⁴ Kane zemba geŋ an tonda Raa kono kune, wo t'urzi geŋ a kiza an unni giyye baadaŋ, kono a beeko ere baadaŋ a jiire Raa y'un ele gettiyo.

¹⁵ Geŋ in rooto koduwo a Raa a suldi doŋ y'in eliyo in k'elkiyo eego ye geŋ me.

10

Pool yi naakiwsa naabadi

¹ Ki nuŋ Pool eŋ, n'un di'n tondo ti tassuwa wo ti beehiyko ere ettiyo t'urzi k'Almasi. Doŋ ongo an di rootiyo an'de, aame nuŋ a diinaguŋ maŋ nuŋ tasse, wo de dokki ti kune maŋ wehini.

² Geŋ nuŋ n'un di'n tondo ti obe bey: Kun ti kama lekkiyaguŋ, para maŋ aame n'iida di kune sey maŋ, n'a kooney wehini a umayó. Wo de

ɗoŋ oŋgo an elkiyo kaye ay sooru a urzi tudde. Inkiŋo maŋ a kane ɗoŋ geŋ, nuŋ wehinkadó n'an ti-kizey.

³ Derec kaye ɗoŋ tudde, wo ɗe ay ki ɗeyyiso aa ki ɗoŋ tudde ye.

⁴ Adda ɗeyyisadey gette aryagi ɗoŋ ay di ɗeyyiso, itadaŋ a urzi tudde ye. Wo ɗe kane ita toogadaŋ t'ettiyo ti Raa kono i-ti dambu sulɗi ɗoŋ pay i ti-toogiyo a Raa. Kaye ay di lattiya elkiyo ere oldo,

⁵ wo toogo ere pay ki ɗoŋ i koliyo tuddaŋ an an t'eegirso a ɗuwo an di suune Raa. Kaye ay an kazita a ɗuwo kono an di-kime elkisadaŋ ere oldo gettiyo wo an d'olliga ono ɗoŋ k'Almasi wo an d'ozire eego.

⁶ Aame kun t'iza ɗoŋ ollige ono wo kun a ti sooru eego aa Raa yi dehu maŋ, kaye tuddey okkime wede tuuku y'a ti doopide onamey geŋ, ay ti'n t'ela danɗay.

⁷ Kune'ŋ sulɗi kun'ni wolliyo a edagaŋ ɗaŋŋal. Aame wede yi zuune adda k'addi yoŋ k'Almasi maŋ, geŋ yi suuno kaye toŋ k'Almasi aa yode.

⁸ Kaye Galmeega y'ay ele urzi ki noogiyagaŋ kun di t'ihira a urzi zaapu k'addugaŋ a Isa, ki daggiyagaŋ ye. Geŋ koo kun elkiyo ni tamma tuddó baadaŋ toŋ, wo ɗe a nuŋ o k'isa sukiyagi ye.

⁹ Geŋ ni ki dehu n'un gi di t'ele orgiso ye, t'urzi mattupiyagó ɗoŋ n'un raaniya eŋ me,

¹⁰ kono ɗoŋ oŋgo an rootiyo, an'de: «Mattupiyagi yi raaniya geŋ onamaŋ zakidi wo wehini, wo ɗe aame yoŋ a diinayey maŋ, toogadi baata wo onami toŋ ki bita.»

11 Wede yi rootiyo in̄kino geŋ, yi suuno munda soo adda k'addi: Aame kaye dokki ti kune maŋ, mattupiyagey ay un raaniya geŋ onamaŋ wehini, wo aame kaye a diinaguŋ toŋ naabadey wehini in̄kino.

12 Doŋ oŋgo an tamma tuddaŋ ti siidaŋ, wo kaye ay ki dehu ay ki'n dooze ye, wo ay ki'n deeye ye. Kane geŋ an tamma tuddaŋ ti siidaŋ, wo geŋ an ti-t'ize tuddaŋ aa munda dooziyo wo ki deeyiso ti doŋ oŋgo. An isiyo in̄kino geŋ, kane aa doŋ elkisadaŋ umbo.

13 Wo ki kaye ay ki t'imme tuddey ay gi di-doopida ti yirwe wede Raa y'ay riike geŋŋo ye. Aame Raa y'ay di'n t'iide di kune geŋ, y'ay di riike yirwe a ume wede ki naabadey, wo ay di naabiya adda.

14 Wo a ume geŋ, kaye ti yirwayey ay gi di diipida ye. Iiney ki poone di kune kaye, ay un di gizite Rabila Majjaanawa k'Almasi me.

15 Kaye ay ki t'imme tuddey ye ekki naabo ki doŋ doolo g'ize te. Wo de ay zaape elkisadey a kune kun di t'ihira a urzi zaapu k'adduguŋ a Isa, in̄kino naabadey ere a diinaguŋ gette t'a aagila k'aagulu adda k'ume wede Raa y'ay riike me.

16 Geŋ in̄kino saŋ ay di doopida ki siidiyagi doŋ dokki ti di kune, ay an di kizitey Rabila Majjaanawa. Kaye ay ki dehu ay ki naabe adda k'ume wede doŋ doolo gi niibe ye, wo ay ki dehu ay ki t'imme tuddey a naabadaŋ ye.

17 Ono eŋ an riine ti kaaga adda mattup ki Raa, an'de: «Wede yi dehu yi t'imme tuddi maŋ, y'amma tuddi a munda wede Galmeega

Raa y'ize*.»

¹⁸ Wee wee, wede naabo beehiye me? Wede naabo beehiye'ŋ yoŋ wede Galmeega batum yi yi tamma, yode wede yi tamma tuddí ti siidí ye.

11

Pool ti d'ofŋ k'olmidayí

¹ Nuŋ ni dehu kun aa d'ombiŋa, kono ankenŋo n'orbe aakede nuŋ ki maade. Eyye, kun ambo ombiŋe ti nuŋ me.

² Derec, nuŋ n'okkiso a kune me, wo okkisadó t'ettiyo ti Raa, kono kune eggun seedu, ni dehu kun di lekke kamileŋ, inŋkino n'un di'n t'etta k'ume yode soo danŋal Almasi, aakede uto koŋso an i-d'ette a kulatú.

³ Wo d'e kun elko a taaya ki meediŋ Awa tod'te miipo t'a ti mibild'e t'urzi metinŋkatú. Inŋkino maŋ nuŋ n'orgiso kono elkisagun t'a t'isa oldo, t'un ti'n led'fa dokki ti lekkiyo ere t'adde soo a urzi k'Almasi te*.

⁴ Ni rootiyo inŋkino kono aame wede tuuku y'ettiyo y'un kazita urzi k'Isa ti doolo, ti wede kaye ay un ki gizite ye, ise kun ooniyo unde ti doolo ti ere kun uune ti poone gettiyo ye, ise an un kazita rabila ti doolo ti Rabila Majjaanawa ere kun uune ti poone gettiyo ye toŋ maŋ, kun d'ombiŋe baadaŋ ti kane me.

⁵ Kane d'ofŋ kun rootiyo kun'de, kane d'ofŋ zina k'Isa i jiiire geŋ, nuŋ n'elkiyo kane geŋ an ki n' ceere ti munda ye.

* **10:17 10.17** Kun wollo adda mattup ki Zeremi 9.23 wo 1 Korent 1.31. * **11:3 11.3** Kun wollo adda mattup ki Zenez 3.1-13.

⁶ Derec, a rootiyo k'ono suuniyadó t'ise baata toŋ, wo de a urzi suuniyo Raa geŋ a ki'n baate ye. Kaye suuniyadey t'urzi tuuku toŋ, daayum ay un ti gizite kereŋ.

⁷ Aame n'un gizite urzi Rabila Majjaanawa ki Raa geŋ, n'un gizite ki waawiye, n'a-t'ize tuddó ñeŋku kono kune sundugun t'a ôole. Geŋ n'ize inŋkino oldfiko ko?

⁸ Nuŋ n'a iyye d'ofŋ ogiysito ti suma k'Isa a ume doolo an di n' nuugo ti soŋko, geŋ aakede ni ziko maaladaŋ kono ki noogiyagun.

⁹ Aame nuŋ di kune geŋ, munda tuuku toŋ ni dihe a urzi lekkiyadó, a wenda soo toŋ ni ki guune attidi ye, kono zemba d'ofŋ iido ti siido Maseduwan geŋ, munda wede oo biite an o ele pây†. Wo a suldi pay tuddó n'a ti ziida n'un k'ele attidi ye, wo daayum tuddó ni ti seeda inŋkino.

¹⁰ Geŋ inŋkino nuŋ ulbó uŋse. Ni rootiyo ti derec ere k'Almasi oo d'ede: Adda siido k'Akayi, n'aasa t'urzi tuuku toŋ, wenda soo toŋ umbo a aana oo di latta uŋsuwo ere oo d'ede te.

¹¹ Ki moo me ni rootiyo inŋkino me? Kun elkiyo n'un ki'n giyye ye ko? Aha, Raa yi suune n'unni giyye me!

¹² Munda wede n'isiyo ankenno eŋ, ki daana toŋ n'isa inŋkino kono n'an di t'ippa a bize ki d'ofŋ i koliyo tuddaŋ an'de, kane ti kaye naabadey kaŋ soo geŋ me.

¹³ Kane geŋ an ti-t'isiyo tuddaŋ aa d'ofŋ zina k'Almasi, d'ofŋ daggiya d'uwu, tuddaŋ an ti-

† **11:9 11.9** Kun wollo adda mattup ki Pilip 4.15-18.

t'ombide an t'isiyo aa don zina k'Almasi‡.

14 Geɗ munda ki seedu giggire umbo, kono tode Meeda siitandani batum ton tuddutu ti-ti t'ombide ti-t'isiyo aa maaleeka wede ki toore.

15 Geɗ i k'oone ye, kane don naabatú ton tuddan an ti-t'ombide an t'isiyo aa kane don naabo Raa ki diine. Wo de kane geɗ a onniyo dangan an t'ooney munda wede a naabadan.

Ombine Pool a dabar

16 Kun ollo, n'un di-doolo sey, wenda soo ton ti diinagan y'elke ye nuɗ ki maade me. Wo de aame kun elkiyo nuɗ ki maade man, geɗ kun d'oyyo n'a orba aa ki maade, kono nuɗ ton ni-t'imme tuddo boolon.

17 Ono don ni rootita en, ni rootita aa Galmeega yi dehu ye, wo de ni rootita aa nuɗ ki maade kono ni suune adda k'addo, o d'ede urzi n'a t'imme tuddo.

18 Don baadan an tamma tuddan a suldi don a urzi tudde, inkinu man nuɗ ton n'a t'imme tuddo kay.

19 Kune don kun'de un d'ede elkiyo baadan geɗ, kun d'oyyiso t'addugun pay kun d'ombine a kane don elkiyadan umbo.

20 Kune kun d'oyyiso a don zina i jiiere geɗ an un di'n isiyo aa bulagi, an un di'n oobiyo ti metinko, suldugun an t'oogire pay, an di koliyo t'eggun, an un di'n danyisa a tobbinagan, wo a suldi pay genno ton kun d'ombine.

21 Geɗ munda wede kane an un ize man, kaye toogadey baata inkinu ay un k'ize ye. Wo geɗ

‡ 11:13 11.13 Kun wollo adda mattup ki Matiye 7.15.

tambobino, sukiyagi a kaye! Kun ollo, ankenno n'a orba aa nun ki maade, wo wede yi tamma tuddi a munda tuuku man, nun ton n'aane n'a t'imme tuddo eego kay.

²² An rootiyo kane don k'Eber man, nun ton Eber! An rootiyo kane Izirayel man, nun ton Izirayel! An rootiyo kane ti biza bumbu k'Ibirayim man, nun ton ti biza bumbu k'Ibirayim§.

²³ An rootiyo kane don naabo k'Almasi man, nun min wede naabo k'Almasi i jiire kane, inkino n'a orba aa eedo i-dikke baa. A naabo gette n'iidi yeebadó i jiire kane, an ni zidde dangay tan baadan i jiire kane, an ni gussite tan baadan i jiire kane, wo ni likke aa a biza zire k'unto tan baadan i jiire kane.

²⁴ Yawudiyagi an di n' gussite tan paat, kossiyo soo marpa ada g'ado makumu gessat*, gessat.

²⁵ Don Romen an di n' gusse ti dalka tan ado, wo duwo an di n' gikkite ti mongali ki towwadó kan soo. A torguwadó geñ, tan ado tooko ay di lattiya adda k'ahu ahu, wo i d'ize onniyo soo n'a likke t'ekki bar diddo wo onnu†.

²⁶ A torguwadó ere tan baadan gette, n'a uune dabar aa nun a biza zire t'urzi k'oydayi g'ay t'ooniyto, wo t'urzi don dekkiyo k'urzi, n'a

§ 11:22 11.22 Kun wollo adda mattup ki Pilip 3.5. * 11:24

11.24 Oogoro Muusa ti rootiyo wede booro ti zida man, an di y'oggipe marpa i ki ceere ada pide ye. Kun wollo adda mattup ki Deeterenom 25.1-3. Man kane an a d'ohire a marpa ada g'ado makumu gessat, kono an orgiso beezan i ti t'igiba man, an a ti doopida oogoro gette. † 11:25 11.25 Kun wollo adda mattup ki Naabo don zina 14.19; 16.22; 27.39-44.

uune dabar aa nuɲ a biza zire t'urzi donzɔ Yawudiyagi, wo t'urzi don Yawudiyagi ye, n'a uune dabar aa nuɲ a biza zire t'urzi don adda geegiryagi, wo adda balɗa, n'a uune dabar aa nuɲ a biza zire ekki bar, wo a ɗaana don an ti-t'isiyo tuddaɲ aa zemba a urzi k'Isa‡.

²⁷ N'a uwwe ormiyto wo oodibe yeebe a urzi naabo, onniyo muno moone umbo, n'a uwwe mosogo wo ɔrme, onniyo muno addo guguba, kallago baata wo reele yi di n' towwo.

²⁸ Sulɗi doolo ede ni k'aane ni ki ti'n ɗeepe pay ye, wo a nuɲ munda wede beehiye a jiiire, onniyo ti onniyo nuɲ ulbo o d'oodiyo a tukki don pay ogiysito ti suma k'Isa me.

²⁹ Aame wede yon toogadi baata maɲ, nuɲ ton ni d'owwiyo toogado baata kay, wo aame wede yi t'isiyo oldiko maɲ, nuɲ addo i n'aadumu.

³⁰ Ise i dehu ki tamma tudde maɲ, n'a t'imme tuddo a toogado ere baata gettiyo.

³¹ Tamma ti koono ki daayum a Raa Meeki Galmeega Isa, yon yi suune ni ki lohito ono ye me.

³² Aame nuɲ a geeger Damas geɲ, goole siido wede mozigo Aretas yi ziipe'ɲ, yi d'ibi asigiryagi a boha bumbiyagi ki geeger gette ki seeduzo.

³³ Wo ɗe zemba an ti n' ziipe adda geɗɗe, an ti n' zuuye ti nee ti bulɗo waaya monjali, wo ni di t'unzile a goole siido geɲ me§.

12

‡ **11:26 11.26** Kun wollo adda mattup ki Naabo don zina 9.23; 14.5. § **11:33 11.33** Kun wollo adda mattup ki Naabo don zina 9.23-25.

Raa yi iifiba ita a Pool

¹ Injino i dehu'ŋ n'a t'imme tuddó ko? Aha, a ki nooge ti munda ye! Wo de toŋ n'a roote a suldi dŋ o iido aa suniye wo Galmeega y'o di t'iifiba ita.

² Nuŋ ni suune wedusu soo injino, yi lekkiyo kettiyo kaŋ soo t'Almasi*, onniyo soo Raa y'a y'umbe k'awwa ki kandaane wede k'aduwe, t'ume geŋ iide ozzine koomat makumu pide. Raa yi y'umbe miŋ ti tuddí gettiyo koo, i iide munda aa suniye koo maŋ, ni ki suune ye, i suune Raa siidí.

³⁻⁴ Derec, ni suune wede geŋ, Raa yi y'umbe ki jenne. Wo de yi y'umbe miŋ ti tuddí gettiyo koo, i iide munda aa suniye koo maŋ, ni ki suune ye, i suune Raa siidí. Wo a ume geŋ yi d'illigo ono dŋ wede tudde soo toŋ yi k'aane yi ki ti'n roote ye, kono a wede'ŋ urzi umbo y'anni roote me.

⁵ Geŋ ni t'imme tuddó kono wede'ŋ geŋŋo. Wo de ki nuuno k'aggadó, n'a t'imme tuddó a toogadó ere baata gettiyo dŋŋal.

⁶ Aame ni dehu ni t'imme tuddó maŋ, n'a k'orba aa ki maade ye, kono ni rootita derec dŋŋal. Wo de ni ki tamma tuddó ye ni-ti seedu, kono ni dehu duwo an di wolle munda wede n'isiyo wo munda wede an ollige ni rootiyo dŋŋal, munda ti doolo umbo.

⁷ Suldi dŋ Raa y'o t'iifiba ita geŋ, kane suldi dŋ i ceeriyo eego. Injino, kono n'a ki kili tuddó ti suldi geŋŋo ye, geŋ Raa y'o d'ele munda aa

* **12:2 12.2** Pool yi rootiyo **Nuŋ ni suune wedusu soo injino, yi lekkiyo kettiyo kaŋ soo t'Almasi:** Geŋ yi rootiyo ti yode batum.

kuuno a tuddó i di n' dabirsa[†]. Geɗ aakede wede zina Meeda siitanɗani ti y'igibo y'a ni dabire kono o-t'eegire n'a ki kili tuddó ye.

⁸ A dabaradó gette n'a tunde Galmeega taɗ aɗo, kono y'o-ti leɗɗe ti tuddó me.

⁹ Wo Galmeega y'o di ruute, y'ede: «A kee'ɗ beekadó gettiɗ a iide baa. Kono nuɗ toogadó ti kee, aame kee toogadá baata geɗ me.» Geɗ nuɗ ulbó uɗse n'a t'imme tuddó a toogadó baata gette, kono toogo k'Almasi t'a koone eedó.

¹⁰ Kono kamo nuɗ ulbó o d'isiyo uɗse, a toogadó baata gette, ise ɗuwo an ni kaldita, ise an ni kodɗite, ise an ni dabirsa, wo ise an oo oodiyo ulbó baadaɗ toɗ maɗ, kono ni daaniya Almasi geɗ me. Eyye, aame nuɗ toogo baata toɗ, a ume geɗ n'a d'ooniyo toogo.

Ulbe k'oodiyo Pool a ɗoɗ Korent

¹¹ Kun wollo aɗkeɗ ni t'ize aa ki maade, wo ɗe kun n'ize ki toogo n'a t'ize ki maade me, ki too maɗ nuɗ a ni naakiwe kune. Ise ɗuwo an rootiyo nuɗ ki bita toɗ, kane ɗoɗ kun'de ɗoɗ zina k'Almasi i jiire geɗ, nuɗ n'elkiyo kane an ki n' jiire ti munda ye.

¹² Sulɗi ɗoɗ ize di kune i-kaza nuɗ wede zina k'Isa geɗ, kun wulle: N'a imɓiɗa a munda wede ooɗe tuuku toɗ maɗ, wo kun wulle sulɗi k'armika ɗoɗ i-kaza Raa toogo wo sulɗi ɗoɗ i ceeriyo eego me.

[†] **12:7 12.7 Munda aa kuuno a tuddó i di n' dabirsa:** Munda aa kuuno a tukki Pool geɗ urzizi daa suuniyo. Ɗoɗ oɗgo an elkiyo Pool i d'ede eeni k'eda: Kun wollo adda mattup ki Galat 4.13-15.

13 Kunuŋ n'un biite a moo me a beehiyko ere n'ize a doŋ ogiysito ti suma k'Isa a omagi doolo me? Munda umbo. Para maŋ ede munda soo: Ni ki guune attidi kune ye. N'ize inŋino ki diine ye maŋ, kun oo t'iso tambobino!

14 Ankeŋ kun ollo, ni kime di kune sey k'aduwe, wo n'a ki kooney a attidi kune ye, kono ni ki dehey maalaguŋ ye, wo de ni dehey kune batum. Kune kun suune inŋi geŋ an k'okumso suldi a maawaŋ ye, wo de maawi okumso suldi a inŋizaŋ me.

15 Ki nuŋ, ulbó unse n'a dagge sulfizó ise tuddó batum kono kune geŋ me. Derec, geŋ nuŋ n'unni geyyiso baadaŋ, wo ki moo me geyyisaŋ a tukki nuŋ baata me?

16 Derec kun suune, n'un ki t'ize attidi kune ye, wo de doŋ soŋ an'de, nuŋ metike n'un ti'n iimi ti metiŋko.

17 Kun t'elko do kunuŋ, ti diine doŋ n'un ikkipe geŋ, t'urzi wede soo n'un ti'n iimi ti metiŋko ko?

18 Nuŋ ni di gid'dima a Tit y'a ette di kune wo n'a-t'igibe ti yode leema wede kune batum kun yi suune. Kunuŋ Tit geŋ y'un ti'n iimi ti metiŋko ko? Aha, kun suune geŋ derec ye! Wo kun suune nuŋ ti Tit geŋ, ay izire soo wo elkisadey toŋ soo.

19 Ti kaagine kun elkiyo koo ay okkime bizey a daana kune me koo maŋ? Aha, inŋino ye! Onamey eŋ, ay rootiyo a daana Raa kono ay lekkiyo kettiyo kaŋ soo t'Almasi. Wo zamba ki nuŋ kune doŋ ki geyyiso, ay isiyo pay geŋ kun di t'ihira a urzi zaapu k'adduguŋ a Isa.

²⁰ Nuɲ n'orgiso a aaniyadó di kune geɲ, kune n'un ki'n t'ooney aa addó i dehu ye, wo nuɲ kun gi di n' wolley aa addugun i dehu ye. Nuɲ n'orgiso n'iidey di kune, ni t'ooney sulɗi ɗon aakede: Orbe k'ono k'ulpi ti tuddugun, kolbiso, kulkiso i ceeriyo eego, elkiyo ere bakadá k'a ti y' kime k'ita, ɗekkiyo k'ita ɗuwo, lattiya suma ɗuwo, koliyo tudde, wo isiyo sulɗi ɗon a urzizan ye pay geɲ me.

²¹ Nuɲ n'orgiso soɲ a ettiyadó ere soɲɲo gette, koo Raa yi-ti n' t'eley adda sukiyagi a ɗaana kune me koo maɲ. Nuɲ n'orgiso koo ni-t'ooney ɗon ɓaadaɲ an lekkiyo daayum adda k'oldiko aakede an ize ti poone koo maɲ, wo an ki ti gime lekkiyadaɲ ye ɓotto, an lekkiyo a lekkiyadaɲ ere k'isiyo sulɗi pitiɲko, boliyo, wo an ti-t'eliyo tuddaɲ k'isiyo sulɗi ɗon ulpi. Wo geɲ n'a ôoley a tukki kane geɲ me.

13

Toose ti aapuɗu ki ɗangu

¹ Nuɲ ni kime di kune eɲ k'aduwe. A sulɗi pay geɲ wedusu booro ti y' seeda'ɲ, i dehu ɗon sire t'ado i wulle wo illiga munda genɲo ɗoo min kollo*.

² A ettiyadó ere ki sirwe di kune gette, a ɗon ize oldiko ti poone wo a ɗon ongo pay geɲ n'an ti ruuto, wo ɗe ankeɲ nuɲ dokki ti kune toɲ n'a-ti ɗoole sey: Aame soɲɲo n'iida wollyagun maɲ, n'a kooney wehini ti ɗon pay isiyo oldiko.

* **13:1 13.1** Kun wollo adda mattup ki Deeterenom 19.15.

³ N'aasey inĳkino kono kun dehu kun di suune munda a kize, ki kotto Almasi yi rootiyo ti bizó. Wo kun di suuney Almasi yoŋ toogadí baata ye a dfaanagun me, wo de yoŋ toogadí a diinagun y'un ti kaza.

⁴ Derec, Almasi yoŋ a urzi tudde toogadí baata, duwo an ti y' tiike ekk'undumu wede zaapu t'ekki bakadí kaŋ tontilko, wo ankaŋ yi lekkiyo zeere t'urzi toogo Raa. Wo kaye toŋ toogadey baata aa ki yode kono ay lekkiyo kettiyo kaŋ soo ti yode. Wo de ti yode ay di lekkey zeere a diinagun t'urzi toogo Raa.

⁵ Kune batum kun t'elkito, wo kun ti wollo kune'ŋ ki kotto a urzi zaapu k'addugun a Isa d'ey ko? Kunun kun ki suune ye ko Isa Almasi yi lekkiyo adda k'addugun me? Para maŋ duwo an k'aana an ki ti'n wolla ye suldi d'ofŋ i-kaza, kune kun seefu zakidi a urzi zaapu k'adde a Isa me.

⁶ Wo de n'elkiyo kun suune, kaye ay un ti gize ay seefu zakidi a urzi zaapu k'adde a k'Isa me.

⁷ Kaye ay ton-diyo Raa kono munda ulsu soo toŋ kun ki d'ise ye. Ay rootiyo inĳkino, kono ay ki dehu ay ki kize tuddey kaye ki diine ye, wo de ay dehu kun d'ise daayum beehiyko, ise duwo an rootiyo ay ki seefu zakidi a urzi zaapu k'adde a Isa ye toŋ maŋ.

⁸ Ki kotto kaye ay k'aane ay i ki t'eegire ye a d'erec ki Raa te, wo de ay di nooge noogiyo d'erec ki Raa te.

⁹ Aame tuuku kune'ŋ toogo wo kaye toogadey baata toŋ, ulbey i d'isiyo unse. Geŋ munda wede kaye ay ton-diyo Raa, kono y'un di'n oodibe

dfelele a urzi zaapu k'addugun a Isa.

¹⁰ Kono kamo ankenno nun dokki ti kune, gen n'un di raaniya mattup ettiyo, kono san onniyo ere n'iiney di kune man, kun ti gime lekkiyagun wo n'un ki d'isey wehini ye a urzi toogo ere Galmeega y'o ele gette, y'o ele urzi ki noogiyagun kun di t'ihira a urzi zaapu k'adde a Isa, ki daggiyagun ye.

¹¹ Inkinno ki dangu zamba ki nun, kun lekko t'unsowo, kun i oolo tuddugun a Raa y'un di'n oodiba dfelele, kun elo kooke ti tuddugun, kun lekko onamgun soo, wo kun lekko ti toose, inkinno Raa wede ki geyyiso wo ki toose gen y'a koono ti kune.

¹² Kun t'eesito tuddugun kan bey sire sire aa zamba, wo don ki Raa pay a enno, an un t'ize toose.

¹³ Beeko ki Galmeega Isa Almasi, geyyiso ere ki Raa, wo lekkiyo ere kettiyo kan soo in d'ede t'urzi k'Unde Kamilen gette i koono ti kune pay.

**Mattup ki Taasuwa ere Aware
Mukulu: Mattup ki Taasuwa ere Aware (New
Testament)**

copyright © 2019 Wycliffe Bible Translators, Inc.

Language: Guerguiko (Mukulu)

Contributor: Wycliffe Bible Translators, Inc.

All rights reserved.

2025-05-14

PDF generated using Haiola and XeLaTeX on 14 May 2025 from source
files dated 14 May 2025

523c1c0a-f8ac-5d2f-aebe-7063b0de6b23